

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 06.12.2017թ. թիվ 1707242194 որոշումն անփոփոխ, իսկ վարչական բողոքն առանց բավարարման թողնելու մասին

<<17>> 01 2018թ. 17-4-32884-17/17-4-220

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյան, վերանայելով Ռուբեն Անտոնյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Նոր Նորքի 9-րդ զանգվածի 13 շենքի 3 բնակարանի բնակիչ Ռուբեն Անտոնյանը դիմումով խնդրել է անվավեր ճանաչել Ճանապարհային ոստիկանության վարչական տույժ նշանակելու մասին 06.12.2017թ. թիվ 1707242194 որոշումը՝ նշելով, որ կանգառ կատարելու կանոնները խախտել է հարկադրված՝ կապված իր առողջական վիճակի հետ:

Դիմումի քննարկման արդյունքում պարզվել է, որ դիմումատուի փաստարկը վարչական ակտը բեկանելու հիմք չի կարող հանդիսանալ՝ հետևյալ պատճառաբանությամբ.

<<Վարչարարության հիմունքների և վարչական վարույթի մասին>> ՀՀ օրենքի 43-րդ հոդվածի 1-ին մասի համաձայն՝ անձի և վարչական մարմնի փոխհարաբերություններում ապացուցման պարտականությունը կրում է՝

ա) անձը՝ նրա համար բարենպաստ փաստական հանգամանքների առկայության դեպքում.

բ) վարչական մարմինը՝ անձի համար ոչ բարենպաստ փաստական հանգամանքների առկայության դեպքում:

Տվյալ դեպքում դիմումատուի համար որպես բարենպաստ փաստական հանգամանք կարող էր դիտվել իրավախախտումը ծայրահեղ անհրաժեշտության վիճակում կատարած լինելը, որի ապացուցման պարտավորությունը կրում է նա, սակայն, չի ներկայացրել որևէ ապացույց:


Հարկ է նշել, որ համաձայն ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 23-րդ կետի՝ հարկադրված կանգառի դեպքում, վթարային լուսային ազդանշանը միացնելուց հետո, անհապաղ պետք է տեղադրվի <<Վթարային կանգառ>> ճանաչման նշանը:

Իրավախախտումն ամրագրած տեսանյութը փաստում է, որ դիմումատուի կողմից խախտվել է վերը նշված նորմի պահանջը և չի տեղադրվել <<Վթարային կանգառ>> ճանաչման նշանը, ուստի իրավախախտումը ծայրահեղ անհրաժեշտության վիճակում կատարած լինելու վերաբերյալ ապացույցներ չներկայացնելու հետ զուգորդմամբ, հնարավորություն չի ընձեռում արժանահավատ համարել վերջինիս պնդումները:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 06.12.2017թ. թիվ 1707242194 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Ռուբեն Անտոնյանին և ՃՈ ՏՄՀԽԱ կենտրոն:



Ե.Կարապետյան